

БАТТА ГҮН МЕДРЛ ӨГХМН

Советск школ олн зүсн эрдмтә болн гүн медрлтә, коммунистическ олиг тосхдж чадх шунмгъа улс белдх зөвтә. Эн школин гол төриг күцәхин төлә бидн багшнр кәдлмштән кинән болдж, терүндән цуг ухан-седклән өгч кәдлх зөвтәвдн, тер дотр, бидн, әклиц школин багшнр.

Би 3-ч класс сургънав. Мини класст 27 сургъульч баәнә. Цугъар сәәнәр сурна, му сурдг нег чигн күн уга. Эн класст би 1957—58 сургъулин джиләс авн кәдләтәв. Мини

сургъульчнр төрски келәри дасджана. Түрүн деерән төрски келәри сурлгәндан, терүтән муугъар медсн учрар, икәр күчрдәд баәцхәв. Ташр төрски келәр деггрмүд уга болад бас түрүнь ик болв.

Болв тер тоот, түрүг дииләд сургъульчнрт батта гүн медрл өгх төриг күңәх кергтә болв. Тер төләд түрүн болдж бичкдүдиг сонъсврта, ниич, дөнъгч коллектив кедж авх кергтә. Тер цагт сургъульчнр сәәнәр сурхнь лавта. Би бичкдүдиг түрүн бдрәснь

авн сонъсврта, оныгта болдгт дасхув, тедн дунд тасрхан уга цәәлгъврин кәдлмш кегъәд, ямаран чигн кергиг, даалгъвриг чикәр сәәнәр күңәдг дасхув. Урокт сургъульчнр ямаран болв чигн сурврт хәрү өгсн цагт би теднәс күңц, чик хәру кезә чигн некнәв. Тиим неквр сургъульчнриг дигтә-тагта, оныгта болгъдж дасхна. Дакад болхла сургъульчнр нег-негидән дөнъ болдгиг бүрдәнәв: сән сурдгнь, му сурдгтан дөнъ болна.

Батта, сән гүн медрл сургъульчнрт өглгәнд багшин сән медрл, чидвртә әв-аргъ деер үзмр дөнъцл ик кергтә мән. Бичкдүдт нүднднь үзүләд, гартнь бәрүләд, теднәр келгүләд цәәлгъәд медүлсн медрл уханднь батта кевәр, орхнь лавта.

Б. БОСХОМДЖИЕВА.

Хальмг АССР-н ачта багш.